

Bájkkeavijssa NuorttaSálto

Sihti kvalitehtav tjárgggit

■ Áhpadusdirektoráhtta sihtá sáme guhkás-áhpadimev tjárgggit. De Árran julevsáme guovdásj aj tjárggiduvvá.

Gitta 1999 rájes li guhkásáhpadimev fállam julevsáme guovdátjis Ájluovtan. 2000 rájes le Solvár Turi dán ávdás vásstedam. Subtsas doajmma le vehi málsudahkes, valla ahtu lassánime.

- Gá vássám skávlájahke álgij lij miján áhpadibme 14 oahppij Knut Hamsun js:as. Duodden lidjin oahppe Frydenlund js Narvijkan, Bodø ja Bodin js Bådádjon, Meløy js aktan Sáme js Gárásjágán. Duodden muhtem vuodskávláj Tråmsån, diedet Turi. Árranin lidjin niellja áhpadiddje dájna barggamin vássám skávlájage, 3,5 jagevirggen. - Áhpaduslága milta le juohkka sáme oahppen riektá áhpadussaj, vájku dal gánná árru lándan. Dat mierkki skávlá galggá juohkka sáme oahppáj muhtemlágásj sáme áhpadusáv fállat, vájku oahppe sáme giellaháldadimguovlo álggolin árru, joarkká Turi guhti javllá Árran gájkinávdemusát joarkkaskávlá



Solvár Turi (facebook)

áhpadusá ávdás vásstet.

- Ájluovta skávlá lij vuodskávlá resurssaskávlá, valla dijmásj rájes ettjin desti lágeda dav. Dálá dát guhkásáhpadibme ienemus oassáj Bådádjos fáladuvvá, javllá Solvár Turi. Ij sán ballá Áhpadusdirektoráhta ja Nordlandsforskninga prosjevtas.

- Diedon agev árvustallap ietjama bargov. Skávlá li buorremielaga. Oahppe li aj sámmi mielas, vájku muhtijn le lássát guhkásáhpadimijn, sierraláhkáj sidij gudi li dássju gallegattja jali állu aktu ietjasa skávlán, láhpat Solvár Turi, gænna galggá permisjávnná virgestis Árranin boahhte skávlájage. Suv sadjásin galggá Ingrid Kintel barggat.



Tæksta: Børge Strandskog
Járggálibme: Divte Media AS/Lars Th. Kintel

ELEV TREFF fjernundervisning Arran 2010.

Duodjeseminára ja kursa

■ Árran galggá aktan Tysfjord ASVO ja Duodje Nordlándna ásadit moadda seminára ja kursa julev- ja bihtámsáme guovlo duojen tjavtja nalluj.

Gápptegoarrom

Áttjak virggábiejadum duodjebagádalle Lilian Urheim gáppteseminárav jádet, mij le rabás gájka berustiddijida.

Bárggemáno láhpan álggá ja vihpá gálmá iehkeda ja avtav biejev, ájggudagán bárggemáno 29. biejves gitta ragátmáno 1. bæjvváj. (gasskavahkos lávvodahkaj).

Dán gáppteseminárraj boahhtá Anna-Stina Svakko Bårjjásis viehkken. Sjielvvi kursasj hæhttu diededit, valla seminára le rabás. Sij gudi sihti gáptev goarrot, hæhttuji ietja gábddásav áttjudit. Lilian Urheim máhtá viehkedit. Sán aj aktijvuoda ávdás vásstet, e-poassta: lilian.urheim@arran.no, mobijlla 906 84 748.

Sán sjaddá tjavtja plánaj birra diededit manenagi.

Duodjeprosjekta le Sámedikkes ja Nordlándna fylkkasuohkanis doarjodum.



Tæksta: Kitty Skapalen
Járggálibme: Divte Media AS/Lars Th. Kintel